


Ymer

Lou Sèti de Narbouno



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

PROUPAGACIOUN FELIBRENCO

N° 1

Lou Sèti de Narbouno

(Ilustracioun d'YMER)

1922

Burèu dóu Counsistòri
19, Bd Nosto-Damo
AIS-DE-PROUVÈNÇO




Al temps de la guèrro dels Sarrasins toutos las vilos de Lengadoc èroun toumbados, uno après l'autro, entre las mans d'aqueles brigands. Lou soul castel de Narbouno tenio cop encaro, mès lou rufe Al Menzour, emir de Coustantino, l'assiejabo despèi sèt mezes.

Lous paures Narbounezes, esquichats dins sas parets, abian acabat sous viéures: i demorabo pas qu'à badar e mourir. Lou valent Aimeri abió fach cridar que cadun aduguèsse sul planal del castel lou pauc de blad e de prouendo qu'i soubrabo.




Mès degus abió pas res pourtat. Toutos las feniéros, toutes lous palhers èroun curats. Adounc se metèroun à furgar à la dezesperado, e vaqui qu'atroubèroun al founs d'uno croto uno vielho qu'abió un poussel amb' encaro uno emino d'òrdi.



Lou conselh de guèrro s'acampet, e vezent qu'un poussel amb'uno eminado d'òrdi partajat parièrament entre tant de mounde, èro qu'un gro de mil per la maisso d'un aze, decidèron de dounar l'òrdi al poussel e pièi de traire aqueste sus l'enemic.

Aital faguèron.

Menèron lou poussel sadoul d'òrdi à la ribo dels bàrris e lou debaussèron dins lou camp dels Sarrasins. Aquestes courreguèron per agaitar so qu'arrivabo e demourèron espantats de veire un poussel ambé l'òrdi que sourtissié de soun ventre crebat.



Al Manzour acampet sous capitànis e i diguet: “D'abord que lous Narbounezes fan manjar l'òrdi à sous poussels, de loun temps riscoun pas la famino, e coumo aissi fa caud, e que pièi ven en òdi à cadun de s'ajassar sus la garroulho, m'es avis de plegar bagage.” E lous Sarrasins levèron lou sèti.



(d'après l'Armana Provensal de 1874.)

EMPREMARIÉ A. PINGUET
57, CARRIÈRO GUIHAUME-PUY, 57
AVIGNOUN

Tèste integrau

Còpi interdicho

Reserva pèr aquéli qu'an la licènci d'utilisacioun

C.I.E.L. d'Oc

Centre International de l'Écrit en Langue d'Oc

Sèti souciau:

3, plaço Joffre - 13130 Berro.

Tóuti dre reserva - Tous droits réservés - All right reserved.

© Centre International de l'Écrit en Langue d'Oc - 1998

© Adoubamen dóu tèste, de la meso en pajo e de la maqueto pèr Ugueto Giély,
en sa qualita de mèmbe dóu Còunsèu d'Amenistracioun dóu CIEL d'Oc.